

女
科
經
論

女科經綸卷八

梅李蕭 壩廣六纂著

全校

禾郡

全叅訂

雜證門

熱入血室證

女科經綸

卷八 熱入血室

婦人熱入血室如瘧狀

金匱要略曰婦人○中風七八日○續來寒熱○發作有時○經水適斷○此爲熱入血室○其血必結○故使如瘧狀○發作有時○小柴胡湯主之○

徐註曰婦人熱入血室有四○熱入血室必譫語○此則不譫語○但如瘧狀○謂傷寒男女皆有之○而婦人有獨異○故首曰婦人○中風○卽傷寒中所主桂枝湯之風證也○七八日○則表邪已解○復有寒熱○故曰續來○然不長熱○故曰有時○問其經水○則已來而適斷○明是餘熱未盡○乘虛人之則○餘血必結○故寒熱有時○

然非太陽傳入少陽比因結血之熱致有此病故曰使如瘧
狀雖非傳入少陽而藥仍用小柴胡者蓋血室之氣肝主之
肝與膽爲表裏膽因肝受邪而病如瘧非他藥所宜故主和
表裏謂上焦之氣和而驟結之血將自行也若峻攻之如抵
當湯證則犯少陽之禁矣

按已上一條是言經行未盡而適斷雖有結血未爲全實小
柴胡加當歸丹皮生地以涼之。

婦人熱入血室治無犯胃氣

金匱要略曰婦人傷寒發熱經水適來晝日明了暮則譫語如

見鬼狀。此爲熱入血室。治之無犯胃氣。及上二焦。必自愈也。
徐註曰。此言熱入血室。不必血結。初卽搏邪爲患。曰傷寒卽
所謂無汗惡寒也。曰發熱。病之初也。曰經水適來。是經水初
行時也。邪盛則經氣亦盛。適相值。寒邪必傷營。故邪與血搏。
血屬陰。主夜。故晝則熱。雖發而明了。暮則入陰分。邪挾陰氣
而爲譫語。如見鬼狀者。譫之甚也。此爲熱入血室者。言血室
雖在內。表邪實未嘗犯胃。及上二焦。故治法亦惟和表邪。略
兼清血室之熱足矣。悞以爲客邪入內。攻之則所傷實多。故
曰無犯胃氣。及上二焦。心自愈也。

按此條是言經行不斷則熱不畱結勿謂譴語誤用硝黃犯其胃氣刺動榮血犯其中焦柴胡和解犯其上焦但不妄犯熱隨血散自愈也。

煩人熱入血室當刺期門

金匱要略曰煩人中風發熱惡寒經水適來得七八日熱除脈遲身涼胸脇滿如結胸狀譫語者此爲熱入血室也當刺期門隨其實而取之。

徐註曰此言經與病值不卽爲患病解後反搏邪在胃脇作楚謂中風病雖稍異于前之傷寒然發熱惡寒經水適來與

前之邪盛經亦盛無二後七八日熱除脈遲身涼是經在病
中行而不礙也却七八日後反胃脇滿如結胃狀譫語是入
血室之熱不竄于經而結于肝之府故脈所過處爲滿甚則
如結胃狀陰火盛則譫語也然滿雖胃脇非少陽表邪雖如
結胃非太陽表邪入裏雖譫語非胃實故曰此熱入血室亦
見不可誤攻胃及上二焦當刺期門期門肝之分也此肝實
病瀉其實而取之

按此條言適來卽斷血結在裏爲實證故刺期門以瀉之不
善刺者小柴胡去人參加桃仁丹皮歸尾山甲以行之

熱入血室譫語頭汗出當刺期門

金匱要略曰陽明病下血譫語者此爲熱入血室但頭汗出當刺期門隨其實而瀉之澱然汗出者愈

徐註曰此言陽明病亦有熱入血室但下血頭汗出不同耳陽明病卽頭痛鼻乾不眠是也假如轉入陽明之腑必有汗譫語等爲可下證何緣下血譫語故知爲熱入血室然陽明宜通身有汗此血中有熱而血耗耗則下虛而厥身爲燥陰所閉故無汗惟頭則陰不能入而陽仍通故汗此病亦由肝實不當責陽明故亦刺期門而曰隨其實而瀉之澱者通身

微微似汗也。汗則肝不強而陰陽平，故愈。

煩人熱入血室，治宜化痰除熱。

金匱要略曰：煩人，中風發熱惡寒，經水適來，書則明了，暮則譫語，如見鬼狀，發作有時，此名熱入血室。醫者不曉，以剛劑與之，遂致胃腸不利，涎潮土脫，昏冒不知，當先化其痰，後除其熱。煩齋按：已上五條，序金匱論煩人傷寒有熱入血室之一證也。第一條詳熱入血室證候，下四條言治法也。煩齋按：煩人熱入血室，因經水適來，寒邪乘虛襲入，熱血必結，故有譫語見鬼之證。仲景第一條用小柴胡湯以寒熱如

瘧狀。故用之也。以下四條。但云刺期門。隨實瀉之。化痰除熱。三法。原以血結于中。而用瀉法也。可笑庸工。不解仲景全文。一遇熱入血室。證卽以小柴胡湯。一方爲主劑。不大謬耶。故凡遇熱入血室。當導血下行。以清熱。不可誤執小柴胡方爲戾也。

婦人熱入血室解

成無已曰。室者。屋室也。謂可停止處。人之血室。榮血停止之所。爲經脈留會之處。卽衝脈也。衝脈者。奇經八脈之一。起于腎下。絡氣街。竝足陽明。夾臍上行。至胃中而散。太僕曰。衝爲血海。言

諸經之血朝會于此。男子運而行之。女子上爲乳汁。下爲月水。經言任脈通太冲脈。盛月事以時下是也。傷寒之邪。嬖人則隨經而入。男子由陽明而傳以冲脈。與少陰之絡起于腎。女子感邪。太陽隨經便入冲之經。竝足陽明。男子陽明內熱。方得入衝脈。得熱血必妄行。在男子則下血。譫語。在嬖人則月水適來。陽明病下血。譫語。此爲熱入血室。蓋言男子不止謂嬖人也。嬖人傷寒。經水適來。適斷。經氣既虛。宮室不閉。邪得乘虛而入。有治而愈。有不治而愈。如嬖人發熱惡寒。經水適來。得之七八日。熱除。脈遲身涼。胃脇下如結。胃狀。譫語。此爲熱入血室。當刺期門。

隨其實而瀉之。又婦人中風七八日。續得寒熱。發作有時。經水適斷。此爲熱入血室。其血必結。故爲瘕狀。發作有時。小柴胡湯主之。二者須治而愈。婦人傷寒發熱。經水適來。晝則明了。夜則譫語。如見鬼狀。此爲熱入血室。無犯胃氣。及上中二焦。必自愈。是不須治而愈。夫譫語爲病邪之甚。何反不須治而愈。蓋結胃譫語。是邪氣留結胃脇而不去。必刺期門。隨其實而瀉之。寒熱如瘕。發作有時。是血結不行。須小柴胡散之。二者既有留邪。必散之可愈。若發熱經水適來。晝日明了。暮則譫語。此經水適來。以裏無留邪。但不妄犯。熱隨血散。必自愈。經云。血自下。下者愈。

故無犯胃氣及上二焦。必自愈。所謂妄犯者。謂恐以謗語爲陽明內實。攻之犯其胃氣也。此無胃腸之邪。刺期門。恐犯中焦也。此無血結。與小柴胡。恐犯上焦也。蓋小柴胡解散。則動衛氣。衛出上焦。劫衛氣。是犯上焦矣。刺期門。則動榮氣。榮出中焦。動榮氣。是犯中焦矣。脈經曰。無犯胃氣及上中二焦。豈謂藥而不謂鍼耶。

熱入血室成結胃證論

許叔微曰。或問熱入血室。何爲而成結胃。曰邪氣傳入經絡。與正氣相搏。上下流通。遇經水適來適斷。邪氣乘虛入于血室。血

爲邪所迫。上入肝經。肝受邪。則譫語。見鬼。復入臍中。則血結于
胃矣。何以言之。婦人平居。水養木。方未受孕。則爲月水。既孕。則
畜以養胎。已產。上壅爲乳。皆血也。今邪逐血。併歸于肝經。聚于
臍中。結于乳下。故手觸之則痛。非藥可及。當刺期門也。

熱入血室屬肝臟邪客

武叔卿曰。小柴胡湯治太陽傳經病。蓋臟血適來。則血室虛。邪
氣乘虛入。而爲越經證。然血室與胃腑有氣血之分。故譫語有
晝夜之別。曰如見鬼者。以肝臟邪客。而魂不安。本神自病也。用
小柴胡解表裏之邪。用地黃涼血中之熱。設有不愈。又有刺期

門法其加桃仁紅花與承氣抵當等湯者各因其微甚而瀉之也。

產後熱入血室治法

楊仁齋曰凡大小產熱入血室小柴胡湯力所不及者于內加五靈脂乃以黃連赤茯苓佐之蓋心主血黃連茯苓皆清心涼血之劑所以收功也若疎利血毒則活人書桃仁承氣有餘焉矣。

熱入血室男子亦有

張路玉曰冲爲血海卽是血室冲脈得熱則逼血下行男子亦

有是證不獨煩人也

慎齋按已上五條序煩人傷寒有熱入血室之證也血室卽
血海冲任之脈所係爲藏精受胎之所因煩人血海有餘遇
經行之期而犯傷寒之邪則熱邪乘血室之虛襲入而與血
相搏夫肝藏魂血室虛則肝無所依肝受熱邪則爲譫語爲
見鬼肝之魂不能安也故治法惟有清熱行血甚則桃仁承
氣微則生地丹皮桃仁紅花赤芍五靈脂甘草木通丹參可
以胡治之不可拘執小柴胡湯爲治傷寒熱入血室之定例
也夫小柴胡方爲傷寒傳少陽和解表裏之藥必欲用之于

熱入血室之證。豈知柴胡發表。黃芩退熱。半夏行痰。爲血家所忌。人參補氣助邪。非血熱所宜。今人一遇熱入血室之證。便用小柴胡湯定法。曰我遵仲景書也。豈知仲景第一條云。婦人中風寒熱發作有時。如瘧狀。明屬少陽經證。故曰小柴胡湯主之。則小柴胡湯原爲少陽經設也。至後四條。但云必自愈。云當刺期門。又云隨其實而瀉之。實者熱血結于胃也。瀉之者。瀉其實邪也。並無小柴胡湯主之一語。則知小柴胡湯祇因婦人傷寒有續寒熱如瘧狀之證。故以之治少陽如瘧之病。而本非治熱入血室之證也。今人不玩仲景前後原

文漫謂嬪人熱入血室動輒用小柴胡主之豈不大可嗤耶。故凡嬪人病熱入血室有續得寒熱發作有時如瘧狀者小柴胡湯可用也。亦必加桃仁丹皮五靈脂以行其血。如熱入血室而無有寒熱如瘧之證則小柴胡湯斷不可用也。舉世懵懵特表而出之。

血水分證

嬪人血水分證

金匱要略曰問病有血水分何也。師曰經水前斷後病水名曰血分。此病爲難治。先病水後斷經水名曰水分。此病易治。何

以故去水其經自下也。

婦人血分屬寒濕傷其衝任

聖濟總錄曰血分者經水通之際因寒濕傷其冲任氣壅不行播在皮膚邪氣相搏經血分而爲水發爲胛腫故曰血分脈經曰經水前斷後病水者名曰血分久不治積成水腫卽難治

婦人水分屬水氣上溢皮膚

聖濟總錄曰水分者以水氣上溢皮膚散于四肢發爲胛腫蓋腎者胃之開關門不利故聚水而從其類也此病與血分相似治藥有先後耳

婦人血分水分屬脾肺虛冷

汪石山曰、凡經先斷而後病水、少陰脈沉而滑、沉則在裏、滑則爲實、沉滑相搏、血結胞門、爲血分難治。若先病水而後病經斷、少陽脈牢、少陰脈細、男子小便不利、婦人經水不通、經通則爲血不利、則爲水。名水分、易治。此因脾肺虛冷、不能通調水道、下輸膀胱、滲泄之、令不行、生化之氣不運、東垣云、水飲留積、若上在雨中、則爲泥、得和氣暖、日水濕去而萬物自生長、用加減腎氣丸、歸脾湯、六君子、加木香、炮姜、肉桂、

婦人血分水分所化有別

陳良甫曰、婦人經水不通、則水化爲血、血不通則復化爲水、故先因經水斷絕、後四肢浮腫、小便不通、名曰血分、是血化爲水也。宜椒仁丸。若先因小便不通、後身面浮腫、致經水不通、名曰水分、是水化爲血也。宜葶藶丸。經脈不通而化爲水、流走四肢、悉腫滿、亦名血分。其證與水證相類、實非水也。用人參丸。張嶠璜按、先浮腫而後經水不通、明係土虛不能制水、經虛則血不能生、故經止。若水化爲血等語、真堪捧腹。

婦人血分辨證用藥法

李氏曰、經水斷而後腫、名曰血分。乃瘀血化水、閉塞胞水。此水

腫難治。但當調其經。則水自消。用小調經散。葶藶丸。加丹皮牛膝紅花。若先浮腫而後經水不通。名曰水分。乃脾不能制血。與水併肌肉爲之虛腫。紅磐丸。腎氣丸。加澤瀉。防已。葶藶。木通。

血分水分以補元氣爲主

薛立齋曰。婦人血分水分證。或因飲食失節。或因六淫七情失宜。以致脾胃虧損。不能生發氣血。乖違失常。致形氣不足。邪寒隊道。必用椒仁葶藶二丸。以宣導其邪。佐以補元氣之藥。庶真氣不復傷也。

慎齋按。已上七條。序婦人有血分水分之證也。婦人以血用

事而月信其最要也。故曰：八門看煩人病。先問經期。經期之先後多寡枯閉。卽可以斷煩病之淺深輕重。如血分之病。在經水先斷。而後頭面四肢腫滿。此血不運行。氣壅不化。法當通經調血。血行而腫自消。若先四肢腫滿。後經水斷絕。此直是水腫病耳。何必名以水分。與血分同出條例耶。此古人分證立名之多惑也。

煩人血分病不可作水治

證治要訣曰：有經事不通。血入四肢。化爲水。遂成腫滿。非獨產後爲然。名曰血分。誤作水治。其害不小。宜調經散。

婦人血分屬氣壅不能化血

武叔卿曰氣者水之母血者氣所化。非氣無以生血。非血無以養氣。若經水不通則血病氣亦病。豈有水不通而能化血乎。血不通而化水者乃是氣壅不能化血而成水也。觀桃仁丸可見矣。

婦人血分用藥從血上求治

婦人良方曰婦人血分如奪命丹黑神散皆爲要藥。血分一證大小產後多有之。惟胎前脚腫不全產後則皆敗血所致。當于血上求之。

椒仁丸治血分

婦人良方曰。先因經水斷絕。後至四肢浮腫。小便不通。血化爲水。名曰血分。椒仁丸藥雖峻利。所用不多。若畏而不服。有養病害身之患。嘗治虛弱人。亦未有悞也。

濟陰按血。既化爲水。則以利水爲先。而行血溫血。開結破氣。又不可少。然非峻利氣悍之物。不可。故又佐以大毒之藥。慎齋按。已上四條。序治血分用藥之法也。夫血分屬婦人經水不通而致。必是六淫外侵。七情內傷。以致脾胃虛衰。不能運化精微。故血壅不流。氣不能化。法當補脾健胃。扶養氣血。

佐以溫經行血之劑可也。椒仁丸有班毛砒信、甘遂、芫花、黑丑、芫青、群隊、大毒之藥以攻之。禍有不可勝言者。大舍乃曰：治虛弱人未見有誤。是何言與。

咽中証

婦人咽中如有炙癭病

金匱要略曰：婦人咽中如有炙癭，半夏厚朴湯主之。

徐忠可曰：此條卽所謂寒傷經絡，凝堅在上也。炙癭譬如乾肉也。千金所謂咽中帖帖，如有炙肉，吐之不出，吞之不下，狀如有炙癭，數語甚明切。此病不因腸胃，故不礙飲食，二便不

因表邪故無骨痛寒熱乃氣爲積寒所傷不與血和血中之氣溢而浮于咽中得水濕之氣而凝結難移煩入血分受寒多積冷結氣最易得此病男子亦間有之藥用半夏厚朴湯乃二陳湯去陳皮甘草加厚朴紫蘇生姜也半夏降逆厚朴兼散結故主之生姜茯苓宜至高之滯而下其濕蘇葉味辛氣香色紫性溫能入陰和血兼歸氣于血夏天暑傷心陰能下暑鬱而炙傷者用之則氣與血和不復上浮也論曰余治王小乙咽中每噎塞嗽不出以半夏厚朴湯投之卽愈後每復發細問之云夜中燈下每見暈如團五色背脊

內間痰其人又壯盛知夏初因受寒陰氣不足而肝反鬱熱甚則結寒微動挾腎氣上衝咽喉塞噎也卽于此方加大劑枸杞、蒴花、丹皮、肉桂、暈乃漸除。咽中亦愈。故曰男子間有之信不誣也。

婦人咽中如梅核證

產寶百問曰：喉嚨有咽門二者各有所司。喉嚨者空虛也。肺之系氣之道。絡肺應天。故屬天氣所生。有九節以通九臟之氣。所以謂之隘。或陰陽之氣痰結咽喉。膈塞壅狀若梅核。妨礙飲食。久而不愈。卽成翻胃。或胸膈痰結與氣相搏。上逆咽喉之間。作

聚狀如炙肉之證也。以半夏厚朴湯治。煩人喜怒悲思憂恐驚。怖之氣結成痰涎。狀如破絮。或如梅核在咽喉。咯不出。嚥不下。此七情所爲。或中脘痞滿。氣不舒快。或痰涎壅盛。上氣喘急。或因痰飲中滯。嘔逆惡心。

真齋按。已上二條。序煩人有咽中炙嚮梅核之證也。徐註主寒冷氣滯。實主七情痰結。一屬外感。一屬內傷。當兼舉之。

癥瘕疰瘕證

煩人癥瘕疰瘕形狀總考

證治準繩曰。大全良方分疰瘕諸氣疰瘕。腹中瘀血癥。宿食癥。

凡七門、疝者在腹內、近臍左右各有一條筋脈、急痛大者如臂、次者如指、因氣而成、如弦之狀、故名曰疝、癖者、僻在兩肋之間、有時而痛、故名曰癖、疝者痛也、癖者假也、其結聚浮假而痛、推移乃動也、八瘕者、黃瘕、青瘕、燥瘕、血瘕、脂瘕、孤瘕、蛇瘕、鱗瘕、積在腹內、或腸胃之間、與臟氣結搏、堅牢雖推之不移、名曰瘕、言其病形可徵驗也、氣瘕、寒爲痞、言其氣痞塞、不宜暢也、傷食成塊、堅而不移、名曰食瘕、瘀血成塊、堅而不移、名曰血瘕、若腹中瘀血、則積而未堅、未至于成塊者也、大抵推之不動爲瘕、推之動爲瘕也、至疝與疝、則與痛俱、痛卽現、不痛卽隱、在臍左右

爲茲在兩肋間爲癰。在小腹牽引腰脇爲疝。恐學者一時難了。未免淆亂。故總敘條析之。

一 婦人八瘦屬血脈精氣不調所生

巢元方曰。八瘦者。皆胞胎生產月水往來血脈精氣不調所生也。腎爲陰主開閉。左爲胞門。右爲子戶。主月水生子之道。胞門子戶主精血神氣出入。合于中黃玉門四邊。主持關元。禁閉子精。臍下三寸名曰關元。主藏魂魄。婦人之胞。三焦之府。常所從止。若婦人經脈愈終合。調月水以時來至。能生子而無病。如經絡榮衛斷絕不通。邪氣便得往來。八合于臟。若生血木盡而合。

陰陽卽合血脈變急。小腹重急。支滿胸脇。四肢痠痛。飲食不調。結牢惡血不除。月水不時。因生積聚。如懷胎狀。陰中腫。內生風。小便不利。若痛如淋狀。久不復生子。

慎齋按巢氏病源論。婦人八瘕。不外新產月水之後。感寒濕風。冷凝泣血。脈留滯。經絡閉塞。隊道而成也。乃強分黃瘕。青瘕。燥瘕。血瘕。脂瘕。狐瘕。蛇瘕。鱉瘕。之名。以惑世誣名。宜其爲張戴人所斥也。夫瘕者。假也。不過假人身之氣血。加以食積痰飲。膠結成形。內經止有石瘕。生于胞中。一證。何嘗有爲黃爲青之名色耶。卽有八瘕之證。醫者亦難辨其是狐。是蛇。是

贅也因刪之。嬾人良方中但存八瘕之名而不載條目。最有見。

嬾人八瘕屬外邪乘合陰陽所致。

嬾人良方曰。嬾人臟腑調和。經脈循環。月水以時。故能生子。無病。若乘外邪而合陰陽。則小腹胸脇腰背相引而痛。月事不調。陰中腫脹。小便淋瀝。而色黃黑。則瘕生矣。八瘕者。黃青燥血。脂狐蛇贅是也。千金外臺言之詳矣。

薛立齋按。經云。氣主煦之。血主濡之。若血不流。則凝而爲瘕。瘕者。中雖硬而忽聚忽散。多因六淫七情。飲食起居。動傷臟。

腑而成。當與痰癖諸證治同。慎不可復傷元氣。

婦人癥瘕屬脾胃虧損邪正相搏

大全曰。婦人癥瘕。由飲食失節。脾胃虧損。邪正相搏。積于腹中。牢固不動。有可徵驗。故名曰癥。氣道壅塞。故名曰瘕。得冷則發。冷入子臟。則不孕。入胞絡。則月水不通。

薛立齋按此證。若脾胃虛弱。六君子加芎歸。若肝脾虛弱。補中湯及歸脾湯。若肝火鬱滯。佐以蘆薈。地黃二丸。外貼阿魏膏。患者須慎七情六淫。飲食起居。治者不時審察病機。而藥之庶幾有效。

婦人食癥屬經行不忌生冷所致

大全曰婦人食癥由臟腑虛弱經行不忌生冷之物不能消化與臟氣相持結聚成塊日漸生長牢固不安謂之食癥或勞傷元氣所致陳無擇云經不行者宜先導之然後固元氣為主薛立齋曰證若形氣虛弱須先調補脾胃為主佐以消導若形氣克實當先疏導為主佐以補脾胃若氣壅血滯而不行者宜烏藥散散而行之若脾氣虛而血不行者四君子芎歸補而行之若脾氣鬱而血不行者歸脾湯解而行之若肝脾血燥而血行者加味逍遙散清而行之大抵食積痞塊證爲

有形邪氣勝則實。真氣奪則虛。當養正。開邪而積自除。雖云堅者削之。客者除之。胃氣未虛。或少用。若病久虛乏。不宜輕用。

婦人血癥屬風冷飲食與血氣相結

大全曰。婦人寒熱失節。臟腑氣虛。風冷在內。飲食不消。與血氣相結。漸生塊。不移動。皆因血氣勞傷。月水往來。經絡痞塞。惡血不除。久而不差。心腹兩脇苦痛。碍于飲食。肌膚消瘦。問癥一也。何以知是血癥。曰。血外證。脅悶煩躁。驚狂痰嘔。汗多骨蒸。肢冷其畜在下焦者。必臍下結急。外熱內痛。尺脈洪而數。桃仁靈脂

生地牛膝大黃甘草去之

薛立齋按此證多兼七情虧損。五臟氣血乘違而致。氣主响之血主濡之。脾統血。肝藏血。故鬱結傷脾。恚怒傷肝者。多患之。腹脇作痛。正肝脾二經證。紫古云。養正積自除。東垣云。人以胃氣爲本。治法當主固元氣。佐以攻伐之劑。必需之歲月。若期速効。投以峻劑。反致有誤也。

婦人疝瘕屬風冷入腹與血相結

大全曰。婦人疝瘕。由飲食不節。寒溫不調。氣血勞傷。臟腑虛弱。風冷入腹。與血相結。而生婦人之病。有異于丈夫者。或因產後。

血虛受寒。或因經水往來。取冷過度。非獨因飲食失節。多挾血氣所成也。其脈弦急者。生虛弱。小者死。只脈濇而浮牢。爲血實。氣虛。其發腹痛。逆氣上行。此爲胞中有惡血。久則結成血瘕。

婦人瘕癖漏血之所爲

大全曰。瘕癖二者。皆陰陽不和。經絡痞隔。飲食停滯。不得宣流。邪冷之氣。搏結不散。得冷則發作。疼痛。夫瘕癖癥瘕。血氣塊硬。發作則痛。甚則欲死。究而言之。皆血之所爲也。

薛立齋按前證。因飲食起居七情失宜。虧損臟腑。氣血乖違。陰絡受傷。循行失度。所致。羅謙甫云。養正邪自除。必先調養。

榮衛充實。若不消散。方可議下。但除不以漸。必有顛覆之害。若不守禁忌。未有能愈者也。

婦人精聚癥瘕皆屬血病

王宇泰曰。古方有五積六聚七癥八瘕之名。五臟之氣積。名曰積。故曰積有五六。腑之氣聚。名曰聚。故聚有六。若七癥八瘕。則婦人居多。七者火數。屬心。血生于心。八者木數。屬肝。血歸于肝。雖曰強分。理似不混。夫癥者堅也。堅則難破。瘕者假也。假物成形。古人將婦人病爲癥疾。以蛟龍等爲生瘕。然亦不必如此執。泥。婦人癥瘕。竝屬血。龍蛇魚鱉肉髮蝨瘕等事。皆出偶然。但飲

食間誤中之留聚臟腑假血而成自有活性亦猶永徽中僧病噎者腹中有一物其狀如魚卽生瘕也與夫宿血停疑結爲痞塊雖內之所感不全治法當以類相從所謂醫者意也如以敗梳治蝨瘕銅屑治龍瘕麴治米瘕石灰治酒瘕如此等類學者可以理解也

慎齋按方書有五積六聚七癥八瘕之名五積六聚出自越人難經有心肝脾肺腎五臟之積而無有六聚以聚爲氣病積爲血病也故東垣有五積丸治法若巢氏病源論載七癥八瘕但有八瘕名證而無七癥病形其他方書亦不散見豈

以癥爲氣病。瘕爲血病。故無可考耶。宇太先生云。不必執泥。事出偶然。可謂善會古人之書者也。然事之或有者。毋盡信。亦不可不信。如慈谿王節齋先生尊信丹溪之書。曰服補陰丸無間者數十年。內有龜甲製之不善。大下小赤色。龜數十而歿。此卽八瘕之類。有感而生者也。寧獨病在嬾人耶。

。治瘕瘕兼消痰瘀

武叔卿曰。瘕一瘕二曰血。曰食。而不及痰。飲何也。蓋瘕氣之中。未嘗無飲。而血瘕食瘕之內。未嘗無痰。則痰食血未有不因氣病。而後形病。故消積之中。兼行氣消痰消瘀之藥爲是。

。治癥瘕不可峻攻以傷元氣

李氏曰。善治癥瘕者。調其氣而破其血。消其食而豁其痰。衰其大半而止。不可猛攻以傷元氣。寧扶脾胃正氣。待其自化。凡攻擊之藥。病重病受之。病輕則胃氣受傷矣。或云待塊消盡而後補養。則胃氣之存也幾希。

。治癥瘕積聚以行氣爲主

武叔卿曰。癥瘕積聚並起于氣。故有氣積氣聚之說。然謂癥屬血病者。氣聚而後血凝也。其夾食夾痰。又各隨所積而變見矣。夫痰與血食皆賴氣以行也。故氣行物生氣。病物病。此百病所

以皆生于氣破血消痰消食之劑必用氣藥者以此也

慎齋按已上三條序治痞癖癥瘕之大法也夫痞癖癥瘕不

外氣之所聚血之所凝故治法不過破血行氣濟陰又推廣

痰食瘀血兼以行氣為主也內經有石瘕腸覃二證前已載

之胎前鬼胎證故茲不復贅

乳證

婦人之乳屬肺肝二經

醫暇卮言曰女人產育哺養以乳乳之體居經絡氣血之隅也

蓋自寅時始于手太陰肺經出于雲門穴穴在乳上陰陽繼續

以行週十二經。至丑時歸于足厥陰肝經。入于期門穴。穴在乳下。出于上入于下。肺領氣。肝藏血。乳正居于其間也。
慎齋按已上一條序原。嬪人乳汁之所自出。屬肺肝二經氣血之化也。

。乳癰屬陽明經熱爲風邪所客

聖濟總錄曰。足陽明之脈。自缺盆下于乳。又冲脈者。起于氣冲。竝足陽明經。夾臍上行。至胸中而散。嬪人以冲任爲本。若失于將理。冲任不和。陽明經熱。或爲風邪所客。則氣壅不散。結聚乳間。或硬或腫。疼痛有核。皮膚焮腫。寒熱往來。謂之乳癰。風多則

少和終結 卷八
硬腫色白熱多則焮腫色赤不治血不流通氣爲壅滯與乳內
津液相搏腐化爲膿宜速下乳汁導其壅塞散其風熱則病可
愈

乳癰屬風熱結薄血脈凝注

張子和曰乳癰發痛者亦生于心也俗呼曰吹乳是也吹者風
也風熱結薄于乳房之間血脈凝注久而不散潰腐爲膿也
慎齋按已上二條序乳癰屬于風熱外邪爲病也

乳癰屬膽胃二經熱毒氣血壅滯

嬭人良方曰經云乳頭屬足厥陰肝經乳房屬足陽明胃經

乳房忽然腫痛結核色赤數日之外炊癰脹潰稠膿湧出此屬脾胃熱毒氣血壅滯名曰乳癰爲易治

家居醫錄按乳癰初起腫痛發于肌表肉色炊赤或發寒熱或頭痛煩渴用人參敗毒散神效瓜蒌散加味逍遙散治之自消散若膿成潰發稠膿湧出膿盡自愈若氣血虛弱或誤用敗毒人不收斂膿清脈大則難治

薛立齋又按乳癰治法初起寒熱炊痛卽發表散邪疎肝清胃爲主或不作膿膿成不潰宜用托裏或肌肉不生膿水清稀宜補脾胃或膿出及痛惡寒發熱宜補氣血或腫炊作痛

補熱宜補陰。血或飲食少反作嘔宜補胃氣。切不可用薤白。

乳癰屬忿怒鬱悶陽明血熱沸騰

乳癰屬忿怒鬱悶陽明血熱沸騰。朱丹溪曰：經云：乳房屬足陽明胃經，所經乳頭屬足厥陰肝經。所屬煩人不知調養，忿怒所逆，鬱悶所遇，厚味所釀，以致厥陰之氣不行，故竅不得通而汁不出。陽明之血沸騰熱甚，化膿治法：青皮、疎厥陰之滯氣，右膏、清陽明之血熱，生草節行污濁之血，消腫導毒。瓜、婁、仁、沒、藥、青、橘、葉、角、刺、金、銀、當、歸、酒、佐之，加艾炙二三十壯于痛處，甚効。切不可用刀針，必致危困。

乳癰屬飲食厚味胃火上蒸乳房

李氏曰、嬪人之乳。男子之腎。皆性命之根也。有飲食厚味。鬱怒以致胃火上蒸。乳房則乳汁化為濁膿。肝經氣滯。乳頭竅塞。不通致令結核不散。痛不可忍。初起宜隔蒜炙之。切忌刀針。能飲者一醉膏。加當歸兩服。卽効。

慎齋按已上三條。序乳癰屬七情飲食熱毒內傷爲病也。

乳癰屬兒口氣吹所致

大全曰、產後吹乳者、因兒喫奶之際、忽自睡着、爲兒口氣所吹、令乳汁不通、蓄積在內、遂成腫硬、壅閉乳道、傷結疼痛、亦有不

少和系編 卷八
痒不痛、腫硬如石者、總名曰吹乳。若不急治、腫甚成膿、連服皂角散、括婁散、傳以南星散、更以手揉之、則散。

乳癰屬乳子口氣炊熱所吹

朱丹溪曰、嬾人有所乳之子、膈有滯痰、口氣炊熱、舍乳而唾、熱氣吹入乳房、凝滯不散、遂生結核。若初起時、忍痛揉軟、吮乳汁透、即可消散。失此不治、必成癰腫。

慎齋按、已上二條、序乳癰屬兒之口氣所吹、爲不內外因病也。嬾人乳癰、不外三端、一者外感風熱、客于陽明、一經二者鬱怒、厚味傷于肝胃、三者兒口吹氣熱、壅不散、皆足致乳

癰之病也

治乳癰不宜用涼藥

薛立齋曰、癰人乳癰多因小兒斷乳後、不能回化、又有癰人乳
多孩提少飲、積滯凝結、又有經候不調、逆行失道、又有邪氣內
壅、結成癰腫、初發時、切不宜用涼藥、蓋乳本血化、不能漏泄、遂
結實腫、其性清寒、又加涼藥、則陰爛宜也、惟涼藥用之、既破之
後、則佳、如初發時、宜用南星、姜汁敷之、可以內消、更加草烏一
味、能破惡血、逐塊、遇冷即消、遇熱即潰、更加乳香、沒藥、以定痛、
內用瓜蒌仁十宣散、通順散、間服之、

婦人乳癰有可治不可治

孫真人曰凡女人多患乳癰年四十已下治之多瘥年五十已上慎勿治之多死不治自得終天年

慎齋按已上二條序治乳癰戒用涼藥并示人以可治不可治之法也

。乳巖屬憂怒抑鬱肝脾氣逆

朱丹溪曰煩人有憂怒抑鬱朝夕積累脾氣消阻肝氣橫逆遂成隱核如碁子不痛不痒數年而發名曰奶巖以瘡形似巖穴也不可治

○乳巖屬肝脾鬱怒氣血虧損所致

薛立齋曰乳巖乃七情所傷肝經血氣枯槁之證不赤下痛內有小核積之歲月漸大內潰流爛爲難治因肝脾鬱怒氣血虧損故也治法嗽痛寒熱初起卽發表散邪疎肝清胃爲主宜益氣養榮湯加味道遙散可以內消若用行氣破血則速其亡矣

乳巖屬鬱氣有用藥法

武叔卿曰乳巖之病大都生于鬱氣蓋肝主怒其性条達鬱而不舒則屈其挺然之質乳頭屬厥陰其氣與痰時積累而成結核茲以風藥從其性氣藥行其滯參芪歸芍補氣血枳實烏藥

木通、疎利、壅積、柴、防、蘇、葉、表、散、白、芷、腐、膿、通、柴、衛、板、榔、通、滯、下、行、宜、桂、行、和、血、人、且、曰、木、得、桂、而、枯、爲、伐、肝、之、要、藥、

慎齋按已上三條序乳巖之證也。病雖均在乳而有癰與巖之分。癰輕而巖重。癰之來也驟而巖之成也漸。故治瘡易而治巖難。大抵瘡屬外感之風熱。內傷之厚味。兒吮俱多。巖木于七情鬱怒。臟氣不平。肝脾虧損。故治巖之法與治瘡微有不全。一宜補少而瀉多。一宜瀉少而補多也。

乳證治法總論

薛立齋曰。大凡乳證。若恚怒宜疎。肝清熱。癰寒熱宜發表。散。

邪順、欬、痛、竝、宜、清、肝、消、毒、竝、隔、蒜、灸、不、作、膿、或、膿、不、潰、補、氣、血、
爲、主、不、收、斂、或、膿、稀、補、脾、胃、爲、主、膿、出、反、痛、或、發、寒、熱、補、氣、血、
爲、主、或、晡、熱、內、熱、補、血、爲、主、若、飲、食、少、思、或、作、嘔、吐、補、胃、爲、主、
飲、食、難、化、或、作、泄、瀉、補、脾、爲、主、勞、碌、腫、痛、補、氣、血、爲、主、怒、氣、腫、
痛、養、肝、血、爲、主、兒、口、所、吹、須、吮、通、揉、散、若、成、瘡、治、以、前、法、若、乳、
巖、屬、肝、脾、二、臟、鬱、怒、氣、血、虧、損、故、初、起、小、核、結、于、乳、內、肉、色、如、
故、五、心、發、熱、肢、體、倦、瘦、月、經、不、調、加、味、疳、脾、湯、加、味、逍、遙、散、神、
効、瓜、婁、散、多、服、白、消、若、迂、延、日、久、漸、大、巖、色、赤、出、水、腐、潰、淡、潤、
用、前、疳、脾、湯、等、藥、可、延、歲、月、若、悞、攻、伐、則、危、殆、矣、

慎齋按已上一條序治乳癰乳巖之大法也。世醫治乳癰乳巖。不過寒涼清火。破氣消瘀。豈知病之成也。原於肝胃虧損。榮衛不能運行所致。惟立齋惓惓干扶持脾胃。補氣養血。為主戒人不可誅伐太過。以致殊柱垂訓之意。深矣。

前陰諸證

婦人陰腫屬風邪乘陰與血相搏

陳良甫曰。婦人陰腫。是虛損受風邪所爲。胞絡虛而風邪客之。風氣乘于陰。與血氣相搏。令氣痞塞。理壅閉不洩。越故令腫。婦人陰腫屬房勞傷損。

徐春甫曰陰腫有因房勞過度傷損陰戶致腫宜節慾調治有慾勝而熱甚生虫以致腫痒甚者皆宜戒房室速治之有邪氣漸盛致陰戶潰爛不收失于早治也

薛立齋按前證若氣血虛弱補中湯舉而補之肝經濕熱龍膽瀉肝湯添而清之又有肝脾鬱怒元氣下陷濕熱壅滯朝用歸脾湯加升柴解鬱結補脾氣夕用加味逍遙散清肝火生肝血除濕熱

慎齋按已上二條序嬾人陰戶腫有風邪之外感有房勞之內傷也陰腫病大全主于風邪入客春甫主于勞傷房事立

齋雅原于肝經濕熱所致此爲病機之要。

嬪人陰中腫痛名小戶嫁痛

千金方曰嬪人小戶嫁痛連日方用甘草生薑白芍桂心酒煮溫服又方療嫁痛一味牛膝或一味大黃酒煮服又烏賊魚骨燒末酒之外用青鹽炒熱布裹熨之

嬪人陰中腫痛屬肝經濕熱

良方論曰嬪人或肝經濕熱下注或鬱怒傷損肝脾外證或兩拘小腹腫痛或玉門焮腫作痛或寒熱往來憎寒壯熱內證或小便滯澀或腹內急痛或小腹痞悶若兩拘小腹腫痛肝經濕

熱壅滯也用龍膽瀉肝湯玉門腫脹肝火血虛也加味逍遙散及龍膽瀉肝湯加水香若概投散血攻毒之劑則誤甚矣

李氏按陰戶兩傍腫痛手足不能舒伸者用四物湯加乳香末搗餅納陰中立効又陰腫痛極便秘欲飲四物加柴胡丹皮山梔膽草如時常陰腫者四物加藁本防風若腫痛不閉者逍遙散加丹皮山梔

慎齋按已上二條序嬪入陰中腫痛之證也足厥陰經環陰器嬪入陰戶爲肝經之分是經血虛火燥則爲腫爲痛痛者火也實則瀉其子龍膽瀉肝湯加味逍遙散雖爲本經的對

之藥。不若大劑導赤散。加黃連以瀉肝之子。而以六味飲滋化源以補其母之勝也。

嬾人陰痒屬臟虛虫蝕

陳良甫曰。嬾人陰痒。是虫蝕所爲。三虫在腸胃之間。因臟虛。三虫動作。蝕于陰內。其虫作熱。微則爲痒。重者乃痛。

嬾人陰痒屬慾事不遂積成濕熱

徐春甫曰。嬾人陰痒。多屬虫蝕所爲。始因濕熱不已。故生三虫。在腸胃間。其虫蝕陰戶中作痒。甚則痒痛不已。潰爛腫突。在室女寡嬾尼姑。多因慾事不遂。思想所淫。以致氣血凝于陰間。積

成濕熱久而不散遂成三虫故有此疾亦有房室過傷以致熱
壅故作腫痒內痛外爲便毒莫不出慾事傷損所致

薛立齋按前證屬肝經所化當用龍膽瀉肝湯逍遙散以主
其內外以桃仁研膏和雄黃末和雞肝研餅納陰中以制其
虫仍用清肝解鬱之藥此證有鬱怒傷肝脾所致肢體倦怠
陰中悶痒小便赤澀者梔脾湯加山梔柴胡丹皮有肝脾氣
虛濕熱下注陰內痛痒不時出水食少體倦者梔脾湯加山
梔白芍甘草丹皮

李氏按陰中生虫雖如小蛆者乃濕熱甚而心氣又鬱氣血

疑滯而生宜蠶香養胃湯補心湯硫鯉丸外用艾煎汁調雄黃末燒薰之又以蛇床子煎湯頻洗同栴樹皮焙末入枯礬麝香少許敷之立効

慎齋按已上二條序煩人有陰痒生虫之證也厥陰屬風木之臟木朽則蟲生肝經血少津液枯竭致氣血不能榮運則壅鬱生濕濕生熱熱生虫理所必然故治法不外參濕清熱外以殺虫爲治然其本元又當滋養肝血補助脾土益陰燥濕也至春甫論慾事不隨所致亦病情之不可不察者也

煩人陰冷屬風冷客于子臟

陳良甫曰。婦人陰中冷。因勞傷子臟。風冷客之。

薛立齋按。陰冷有肝經有濕熱。外乘風冷所致。若小便澀滯。或小腹痞滿。龍膽瀉肝湯。又有婦人陰中寒冷。小便澄清。腹中亦冷。飲食少思。大便不實。下元虛冷。治以八味丸。愈。八味治血弱。不能榮養臟腑。津液枯澀。風寒客于子臟。以致陰冷。有効。

慎齋按。已上一條。序婦人有陰冷之證也。陰中冷。非外邪風冷客于子臟。卽氣衰血虛。臟腑虛寒。以致肝經失養。陰戶爲之寒冷也。立齋必欲斷爲肝經濕熱。外乘風冷所致。豈有客。

利總編 卷八
邪之氣加于濕熱之病而變爲陰冷耶論屬未當

嬪人陰挺下脫有三證所致

大全曰嬪人陰挺下脫或因胞絡傷損或因子臟虛冷或因分
挽用力所致

薛立齋按陰挺下脫當升補元氣爲主若肝脾鬱結氣虛下
陷補中湯若肝火濕熱小便赤澀龍膽湯

嬪人陰挺屬肝火濕熱脾虛下陷

薛立齋曰有嬪人陰中突出如菌四圍腫痛小便數頻熱似瘰
似痛小便重墜此肝火濕熱而腫痛脾虛下陷而重墜也先以

補中湯加山梔、茯苓、車前、青皮以清肝火，升脾氣，更以加味歸脾湯調理脾鬱，外以生豬油和藜蘆末塗之而收。

嬾人陰挺屬熱藥房事意淫不遂所致

大全曰：嬾人陰中生一物，挺出五寸許，牽引腰腹，膨痛至不思飲食，皆因多服熱藥及煎煇，或犯非理房事，兼意淫不遂，名陰挺。三葉丸一捻金丸主之。

慎齋按：已上三條，序嬾人有陰挺之證也。陰挺者，陰器中挺出一物，卽立齋所謂舒出如蛇，如菌如雞冠狀是也。夫嬾人陰器爲足厥陰經部分，而衝任督三脈所系胞門子戶在焉。

其所挺之物大約子臆腸癰之屬。非濕熱脾虛下陷卽是熱樂房事所致。此病機之屬于隱曲者在醫者似難以診候施之者。立齋之書每多載之。真有不可臆度者矣。

嬾人陰吹屬胃氣下泄

金匱要略曰。胃氣下泄。陰吹而正喧。此穀氣之實也。膏髮煎之。

李時珍按。嬾人胃氣下泄。陰吹甚喧。宜猪膏煎亂髮化服。病從小便而出。

程雲來曰。經曰。胃滿則腸虛。腸滿則胃虛。更虛更實。則氣得

上下今胃中穀氣寔則腸胃虛虛則氣不得上下而腎又不能爲胃關其氣但走胞門而出于陰戶膏髮煎者導小便藥也使其氣以化小便則不爲陰吹之證矣

慎齋接續人陰吹證仲景以爲穀氣寔胃氣下泄所致此之症機有不可解雲來註云胃寔腸虛氣走胞門亦是隨仲景之文而詮之也夫八穀氣胃中何嘗一日不寔而見陰吹之證者未之嘗聞千百年之書其闕疑可也予甲寅歲游峽石有友吳禹仲來詢云此鎮有一富翁室女病陰戶中時簌簌有聲如後陰之轉失氣狀遍訪醫者不曉此何病也予曰此

陰吹證也。仲景之書有之。禹仲因嘆予讀書之博。

婦人陰蝕瘡。屬心煩胃弱。氣血凝滯。

大全曰。婦人陰蝕瘡。凡婦人少陰脈數而滑。陰中必生瘡。名曰蠱瘡。或痛或痒。如出行狀。淋瀝膿汁。亦有陰蝕幾盡者。此皆由心神煩鬱。胃氣虛弱。致氣血凝滯耳。故經云。諸痛痒瘡皆屬於心。又云。陽明主肌肉。痛癢皆屬於心。治當補心養胃。外以熏洗坐導治之。

薛立齋曰。婦人陰中生瘡。乃七情鬱火傷損肝脾。濕熱下注。其外證有陰中舒出如蛇。俗呼陰挺。有翻突如餅。俗呼陰菌。

亦有如雞冠花亦有生諸虫、亦有腫痛濕痒、潰爛出水、脹悶
脫墜者、其內證口乾、內熱、倦體、經候不調、或飲食無味、脯熱、
胸膈不利、小腹痞脹、赤白帶下、小水淋瀝、其治法、腫痛者、四
物湯加柴胡、山梔、丹皮、胆草、濕痒者、歸脾湯加山梔、丹皮、柴
胡、瀉淋者、龍胆湯加白朮、丹皮、潰腐者、加味逍遙散、腫悶脫
墜者、補中湯加山梔、丹皮、佐以外治之法、

蝨入陰中生瘡屬虫動侵蝕

陳良甫曰、陰瘡者、由三虫、或九虫動作、侵蝕所爲也、諸虫在人
腸胃之間、臟腑調和、血氣充寔、不能爲害、若勞傷經絡、腸胃虛

損則動作侵蝕于陰經者或痒或痛重則生瘡

婦人疳瘡屬月事行房濁流陰道

千金方曰婦人疳瘡因月後便行房致湛濁伏流陰道生疳瘡搔痒先用葱椒湯頻洗後服赤石脂龍骨黑牽牛兔絲子黃芪沙苑蒺藜之屬又治婦人陰瘡與男子妒精同方用黃丹枯礬扁蓄藁本硫黃白蛇皮煎芥蛇床爲末葱湯洗後搽之

慎齋按已上三條序婦人有陰瘡之證也婦人陰中生瘡屬于濕熱之邪下流腎肝陰器爲肝腎之部二經虛則濕熱下陷而生疳諸瘡矣若月事行房敗精與濁血凝滯成瘡者

此又八事之不謹當以清火消濁爲治也。

嬭人疝瘕屬肝經濕熱下注

嬭人良方曰：嬭人疝瘕，或肝經濕熱下注，或鬱怒傷損肝脾，其外證或兩拘小腹腫痛，或玉門焮腫作痛，或寒熱往來，憎寒壯熱，其內證或小便澀滯，或腹內急痛，或小腹痞悶，上攻兩脇，或肺熱重墜，若兩拘小腹腫痛，肝經濕熱壅滯也。龍胆瀉肝湯、玉門腫脹，肝火血虛也。加味道遙散及龍胆湯加木香，若概投散血攻毒之劑，則誤矣。

嬭人足跟瘡腫屬足三陰虛熱所致

婦人良方曰。婦人足跟。足指腫痛。足心發熱。皆因胎產經行失
于調。損虧足三陰虛熱所致。若腫痛或出膿。用六味丸為主。
佐以八珍湯。胃虛懶食。佐以六君子湯。寒熱內熱。佐以逍遙散。
肺熱益甚。頭目不清。佐以補中益氣湯。大凡發熱。肺熱內熱。自
汗盜汗等證。皆陰虛假熱也。故丹溪謂火起九泉。陰虛之極也。
足跟乃督脉發源之所。腎經所過之地。若不求其屬。泛用寒涼。
以悞矣。然男子酒色過度者。多患此證。

婦人臙瘡屬肝脾濕熱下注

家醫錄曰。婦人兩臙生瘡。或因胎產飲食失宜。傷損脾胃。或

憂思鬱怒，損肝脾，以致溼熱下注，或外邪所侵，外臟屬足三陽，可治。內臟屬足三陰，難治。若初起發腫赤痛，屬溼毒所乘，人參敗毒散，或檳蘇敗毒散。若漫腫作痛，或不腫不痛，屬脾虛溼熱下注，補中益氣湯，或八珍湯。若膿水淋漓，體倦少食，內熱口乾，屬脾氣虛弱，補中湯加茯苓、酒芍。若午後發熱，體倦，屬血虛。前湯加川芎、熟地，或六味丸。若肢體畏寒，飲食少思，屬脾腎虛寒，八味丸大抵色赤屬熱，毒易治；色黯屬虛寒，難治。設誤用攻伐，復傷胃氣，則難療矣。

娘人血風瘡，屬風熱鬱火血燥。

家居醫錄曰：婦人血風瘡，因肝脾二經風熱鬱火血燥所致。其
外證身發疙疹，或如丹毒，痒痛不常，搔破成瘡，膿水淋漓。其內
證月經無定，小便不調，夜熱內熱，自汗盜汗，惡寒憎熱，肢倦體
怠，飲食不甘，若發熱作痛，乃肝經風熱血燥。當歸飲，加柴胡、山
梔。若體倦食少，口乾潮熱，乃肝脾鬱火傷血。加逍遙散。若疙疹
痛痒，寒熱往來，乃肝經風熱傷血。柴胡、山梔、黃連。若不寐盜汗，
內熱肺熱，乃脾經血虛。歸脾湯。兼寒熱，加山梔、熟地。如愈後身
起白屑，搔則肌膚如帛，所隔此氣血虛，不能榮于腠理也。十全
大補湯。若用風藥復傷陰血，反致他證。

慎齋按已上序嬾人有疾。痿足瘡。腫瘡。血風。諸證也。諸證總歸濕熱。實之肝脾。損者居多。故立齋論治一以補養氣血爲主。此治病求本之要道也。

嬾人足指痛如焚。屬濕毒留滯經絡。

產寶百問曰。嬾人脚十指如熱油煎者。此由榮衛氣虛。濕毒之氣留滯經絡上攻。心則心痛。下攻脚則脚痛。其脚指如焚。亦脚氣之類。經云。熱厥者是也。

慎齋按。嬾人足十指如熱油煎。方書但云脚氣之類。方用換腿丸。萬靈散。活血丹。從脚氣治法。殊未盡善。夫諸陽氣起于

四肢足之三陽三陰俱起足指之端其熱如油煎者榮衛虧損陰衰火旺之極足三陰三陽經受傷故也豈但云脚氣而已法當大劑滋水益陰乃可救其燎原之焚耳

煩人夢與鬼交通屬氣血虛衰

大全曰人稟五行秀氣而生承五臟神氣而養陰陽調和臟腑強盛邪魅安得干之若捫理失節血氣虛衰則鬼邪干正隱蔽而不欲見人時獨言笑忽時悲泣是其候也脈遲伏或如鳥啄或綿綿而來不知度數面色不改亦其候也

煩人夜夢鬼交屬干臟虛

唐實百問曰人有五臟有七神藏氣盛則神強外邪鬼魅不能干犯若捫理失節血氣虛衰邪邪侵傷故嬾人多與鬼魅交通其狀不欲見人如有對忤是也設令宮中人與寡婦曾夜夢交通邪氣懷惑久作癥瘕或成鬼胎

嬾人與鬼交屬七情虧損神無所護

薛立齋曰並證多由七情虧損心血神無所護而然用安神定志等藥正氣復而神自安若脈來乍大乍小乍短乍長亦是鬼祟宜灸鬼哭穴以患人兩手拇指相並用線紮緊當合縫處半肉半甲間灸七壯果是邪祟病者即乞求免灸云我自去矣

慎齋按已上三條序煩人有夢與鬼交之證也夫人之五臟
各有所藏心藏神肝藏魂肺藏魄脾藏意腎藏精與志心之
血虛則神無所依肝之血虛則魂無所附肺之氣虛則魄無
所歸脾腎二臟虛則意與志恍惚而不能主神明之官一失
而魂魄已離其體夜夢鬼邪乘虛而慌慌若有所見者卽我
之魂魄也豈真有所謂鬼邪祟魅與之交感者哉立齋斷以
爲七情虧損心血神無所護而然真發病情之秘者矣若準
繩綱目所載交接出血陽道達理傷丈夫諸證事近隱曲褻
鄙在病者與醫者似難診療概刪之